

通鑑地理通釋卷之四

歷代都邑攷

明王奉若天道建邦設都商邑翼翼四方之極作都邑攷

宓義都

帝王世紀宓義都陳春秋傳陳大皞之虛也今陳

州淮寧府宛丘縣稽古錄都宛丘

神農都

地理通釋

卷之四

汲古閣

世紀神農氏亦都陳又營曲阜曲阜在魯城中委曲長七八里故

春秋稱魯大庭氏之庫今兗州襲慶府仙源縣大庭氏古

國在城內魯於其處作庫

黃帝都

史記黃帝邑於涿鹿之阿括地志涿鹿山在媯州

懷戎縣東南五十里涿鹿城在山側故城在州東

南五十里本黃帝所都也世紀黃帝都涿鹿於周

官幽州之域在漢為上谷世本云涿鹿在彭城然則上谷本名彭城武



經總要涿州古涿鹿之野漢置涿郡今上谷有涿鹿縣及蚩尤城阪

泉括地志阪泉今各黃帝泉在媯州懷戎縣東五十六里出五里至涿鹿東北與涿水合晉太康

地志云涿鹿城東一里有阪泉上有黃帝祠或曰黃帝都有熊今河南

新鄭是也今鄭州新鄭縣

少昊都

世紀少昊氏自窮桑登位外紀少皞青陽居江水邑于窮桑春秋

傳曰遂濟窮桑在魯北賈逵曰處窮桑以登為帝故天下號之曰窮桑蓋未

為帝居魯北既而為帝乃居魯登帝位後徙曲阜於周為魯周以

地理通釋卷之四汲古閣

封伯禽春秋傳曰命伯禽而封於少皞之虛注曲阜也

在魯城內劉公幹魯都賦昔大庭氏肇建厥居少昊受命亦都茲焉水經注曲阜少昊之墟有大庭氏之庫魯都賦曰戢武器於有炎之庫

放戎馬於巨野之坰或云金天國號

顓帝都

世紀顓頊氏自窮桑徙帝丘於周為衛春秋傳曰

衛顓頊之虛也謂之帝丘今東郡濮陽是也濮陽

故城在今澶州開德府濮陽縣東唐高宗封泰山次濮陽問此謂帝丘

何也許敬宗曰昔帝顓頊始居此地以王天下其後夏后相因之為寒泥所滅後昆吾氏因之而為

夏伯昆吾既衰湯滅之至春秋時衛成公自楚丘徙居之左氏稱相奪于享以舊地也由顓頊所居故曰帝丘通志顓頊帝都高陽皇覽顓頊冢在東郡濮陽頓丘城門廣陽里中

通典棘城

即顓頊之墟在營州柳城東南一百七十里

晉載記纂

容廡以大棘城即帝顓頊之墟也乃移居之

郡縣志高陽故城在汴州

雍丘縣西南二十九里

顓頊佐少昊有功受封此邑外紀顓頊都衛故為帝

丘後徙高陽稱高陽氏

帝學都

世紀帝學都亳今河南偃師是也

通志高辛氏故都亦謂高辛史

地理通釋

卷之四

汲古閣

記正義高陽高辛所興地名

書序湯始居亳從先王居注契父

帝學都亳括地志亳邑故城在洛州偃師縣西十

四里本帝學之墟商湯之都也

輿地廣記河南府偃師縣帝學所都

亦古亳邑也商有三亳成湯居西亳此即一也周武王欲示休戎之意名曰偃師

帝堯都

世紀帝堯始封於唐今中山唐縣是也堯山在焉

郡縣志定州唐縣古唐侯國堯初封於此今定州北有故唐城

唐水在西北入唐

河

南有望都縣山即堯母慶都之所居也相去五十里都山一名亘山北登堯山南望都山故名

縣曰望都地理志堯山在唐縣南張晏以堯山在唐東北望都北史記堯作游成陽正義濮州雷澤是後又徙晉陽今太原縣也於周在并州之域通志

今平定軍有古晉陽城是其地及為天子都平陽於詩風為唐國

武王子叔虞封焉季札聞唐之歌曰思深哉其有

陶唐氏之遺民乎括地志今晉州所治平陽故城

是也輿地廣記晉州臨汾縣本平陽隋改平陽河水一名晉水韋昭云陶唐皆國各或曰堯

先居陶後居唐陶今廣濟軍定陶縣唐今中山府唐縣猶有唐城存焉或曰唐城在絳州翼城西二

里括地志定州唐縣堯後所封漢書音義唐今河東永安去晉四百里即堯也詩譜曰唐帝堯舊都

地理通釋 卷之四 汲古閣

之地今日太原晉陽堯始居此後遷河東平陽書惟彼陶唐有此冀方正義

堯都平陽舜都蒲坂禹都安邑相去不盈二百皆在冀州通志曰自開闢以來皆河南建都雖黃帝

之都堯舜禹之都於今皆為河北在昔皆為河南大河故道自碣石入海碣石今平州也所以幽薊

之邦冀并之壤皆為河南地周定王五年以後河道堙塞漸移南流至漢元光三年徙從頓丘入渤

海渤海今濱滄間也李氏曰堯舜都冀地壤最潤今之虜境各在其內

帝舜都

史記舜耕歷山 書帝初于歷山往于田郡國志河東蒲坂有雷首山注縣南二十里

有歷山舜所耕處括地志蒲州河中府河東縣雷首山亦各歷山南有舜井又越州餘姚縣有歷山

舜井濮州雷澤縣有歷山舜井又有姚墟云生舜處也
媯州外城中有舜井城北有歷山皆云舜所耕處未詳也
南豐曾氏曰鄭康成釋歷山在河東世之好事者因媯水出於雷首遷就附益謂歷山爲雷首之別號不攷其實矣孟子謂舜東夷之人則陶漁在濟陰作什器在魯東門就時在衛耕歷山在齊皆東方之地合於孟子圖記謂齊之南山爲歷山舜所耕處故其城各歷城今濟南府**雷澤**括地志雷夏澤在濮州雷澤縣郭外西北鄭陽縣西北墨子曰舜漁於濩澤**陶河濱**皇甫謐曰通典澤州陽城縣有濩澤水濟陰定陶西南陶丘亭是也今廣濟軍括地志陶城在蒲州河東縣北三十里卽舜所都也南去歷山不遠何必定**作什器於壽丘**壽丘在魯東門之北今在兗州曲阜縣東北六里附寶生

地理通釋

卷之四

汲古閣

黃帝於**就時於負夏**孟子云遷於負夏鄭康成云衛地**堯典**登降

二女于媯汭媯水名在今河東縣出歷山入河爾雅水北曰汭括地志媯州有

媯水源出城中耆舊傳曰卽舜媯汭水經注世本曰舜居饒內在漢中西城或言媯墟在西北舜所居也通典金州西城縣有媯墟帝王世紀謂之姚墟世本曰饒汭古文尚書周語廡內音媯汭括地志又云姚墟在濮州雷澤縣東十三里會稽

舊記云上虞三十里有姚丘卽舜所生也**嬪于**

虞括地志故虞城在陝州河北縣東北五十里虞山之上今平陸縣皇甫謐曰堯以二女妻舜封

之於虞今河東太陽山西虞城是也舜居虞地以

虞爲氏郡國志太陽有吳山上有虞城括地志宋

州虞城縣舜後所封外紀本

處虞之媯汭號曰有虞氏**世紀**舜所營都或言

蒲坂卽河東縣今河中府南二里河東縣界蒲坂故城是也或言平陽今晉州城是也或言潘今上谷媯州城是也外紀都蒲阪

夏都

皇王大紀禹都于安邑世紀鯀封崇伯國在秦晉

之間左氏傳趙穿侵崇是也禹受封為夏伯在禹貢豫州外

方南於秦漢屬潁川本韓地今河南陽翟是也地理

志陽翟夏禹國今潁昌府陽翟縣有禹山輿地志宿州虹縣本夏丘縣堯封禹為夏伯邑於此受

禪都平陽或在安邑今陝州夏縣本夏禹之都漢為安邑屬河東後魏改為夏

地理通釋卷之四汲古閣

縣郡縣志夏縣東北十五里安邑故城禹所都也或在晉陽左傳注夏虛大夏今太原

晉世本言夏后居陽城本在大梁之南今陳留浚

儀是也劉熙云潁川陽城今屬河南按經傳夏與堯舜同在河北冀州之域不在河南居陽

城者自謂禹避商均時非都也外紀禹都安邑或云平陽亦云晉陽及韓啓筮享神於大陵之上是

為鈞臺之享又筮於晉之墟作璿臺於水之陽寰宇記禹自安邑都晉陽桀徙安邑相徙帝

丘於周為衛左傳衛遷于帝丘衛成公夢康叔曰相奪予享注相居帝丘今濮陽外

紀相為羿所逐失國居商丘依夏同姓諸侯斟灌

斟鄩今按商丘當作帝丘蓋世紀之誤也地理志北海壽光縣注古埧灌禹後今灌亭是平壽

縣注故斟尋禹後今斟城是左傳注壽光東南有
灌亭平壽東南有斟亭括地志斟灌故城在青州
壽光縣東五十四里斟尋故城今青州北海縣是
也水經注地理志北海有斟縣京相璠曰故斟尋
國禹後西北去
灌亭九十里
少康中興復還舊都
靡鬲真人臣
子哉經營四十年然後克殄元凶祀夏配天不失
舊物
通典宋州虞城縣有綸城卽少康邑在縣
東南三
戰國策稱桀之居左天門之險
關卽天門
十五里

也右天谿之陽成臯在其北伊洛出其南吳起對

魏武侯亦言桀之居左河濟右太華伊闕在其南

羊腸在其北羊腸坂在太原晉陽西北九十里史記正義汲冢古文云太康居斟尋羿

地理通釋卷之四汲古閣

亦居之桀又居之書云太康失邦兄弟五人須于
洛此卽太康居近洛也臣瓚云斟尋在河南蓋

後遷北海也周書度邑篇武王問太公吾將因有
夏之居卽河南是也括地志故鄒城在洛州鞏縣

西南五十八里蓋桀所居夏亭故城在汝
州郊城縣東北五十四里蓋夏後所封
書湯誓

注桀都安邑鳴條之野地在安邑之西鳴條陌服虔曰陶唐虞夏之都大率相近不出

河東之界

商都

世紀契始封商在禹貢太華之陽上洛商是也括地

志商州東八十里商洛縣本商邑古之商國高所
封漢弘農郡商縣世本曰契居番水經注渭水東

逕轡都城北故潘邑契所居闕駟曰蕃鄭西今轡城

世本昭明居砥石荀子

成相云契玄王生昭明居於砥石遷于商注砥石地各未詳所在或曰卽底柱也至相土乃遷商丘

相土徙商丘故陶唐氏之火

正闕伯之所居也春秋傳曰闕伯居商丘祀大火

相土因之故商主大火謂之辰故辰爲商星杜預云今

梁國睢陽宋都括地志宋州城古闕伯之墟卽商丘也今應天府宋城縣相土昭明子也書序

湯始居亳從先王居史記正義括地志云宋州穀熟縣西南三十五里南亳故城卽南亳湯都也宋州北五十里蒙城爲景亳湯所盟地因景山爲各河南偃師爲西亳帝嚳及湯

地理通釋卷之四汲古閣

所都盤庚亦都之湯卽位居南亳後徙西亳孔安國云帝嚳都亳湯自商丘遷故曰從先王居通典

曹州考城縣有北亳亦曰景亳詩正義皇甫謐云

學者咸以亳在河洛之間今河南偃師西二十里

有尸鄉亭是也謚考孟子稱湯居亳與葛爲鄰案

地理志葛今梁國寧陵之葛鄉今拱州之寧陵寧

陵去偃師八百里而使亳衆爲耕非其理也今梁

國自有二亳南亳在穀熟卽今南京之穀熟北亳

在蒙卽今拱州之考城古謂之蒙漢謂之薄非偃

師也殷有三亳二在梁國一在河洛之間穀熟爲南亳卽湯都也蒙爲北亳卽景亳是湯所受命地偃師爲西亳卽盤庚所徙也立政曰三亳阪尹是也鄭康成注立政云三亳者湯舊都之民分爲三邑其長居險故曰阪尹益東成阜南轅轅西降谷也是鄭以三亳爲分亳民於三處非三處有亳地也杜預以景亳爲周地河南鞏縣西南有湯亭或

說卽偃師也漢書音義臣瓚案湯居亳今濟陰薄縣以經無正文各爲異說地名變易難得而詳林氏曰鄭氏云亳在河南偃師鄭說可從蓋偃師在河南其地與周洛邑相近乃曰方朝覲貢賦道里取中之地商頌曰古帝命武湯正域彼四方邦畿千里維民所止商邑翼翼四方之極使非河南則頌未必如此周禮疏曰堯治平陽舜治安邑唯湯居亳得地中通志亳故京兆杜縣有亳亭是也杜城今在長安南故太史公云禹興西羌湯起亳也及湯有天下始居宋地復命以亳今南京穀熟是也書正義契至湯八遷契居商昭明居砥石相土居商丘湯居亳有此四遷其餘四遷未詳聞也

仲丁遷于囂世紀今河南之敖倉是也

史記遷于

地志滎陽故城在鄭州滎澤縣西南十七里殷時敖地也世紀云仲丁自亳徙都敖周時各北制在

地理通釋

卷之四

汲古閣

敖山之陽後屬韓爲滎陽縣

河亶甲居相

在河北括地志故殷城在相州內黃縣今

屬大名府東南十三里卽河亶甲所築都之故名殷城相州安陽本盤庚所都卽北冢殷墟南去朝歌城百四十六里竹書紀年盤庚自奄遷于北冢曰殷墟南去鄴四十里是舊都城西南三十里有洹水南岸三里有安陽城西有城名殷墟所謂北冢也安陽城卽相州外城水經注洹水逕殷墟項羽與章邯盟于此地類要安陽縣本殷墟所謂北冢者亶甲城在西北五里四十步洹水南岸後魏天平四年立相州取河

祖乙圮于耿

爲河所毀地理志河東皮

氏縣耿鄉故耿國括地志絳州龍門縣東南十二里耿城故耿國

史記祖乙遷于

邢皇極經世祖乙圮于耿徙居邢通典邢州祖乙遷於邢卽此地亦邢國也括地志邢國故城在

邢州外城內西南角地理志襄國縣故邢國今信
德府龍岡縣書正義汲冢古文云盤庚自奄遷于
殷蓋祖乙圮於耿遷於奄括地志兗州曲阜縣奄國之地

盤庚遷于殷曰先王不常厥邑于今五邦馬氏曰五邦謂

商丘亳囂相耿也林氏曰序言五遷自湯至盤庚
併數之此言五邦又言今不承于古則是盤庚之
前遷者有五考之前序但有亳囂相耿之四者併
盤庚數之則盤庚歸亳不應謂之五邦太史公謂
祖乙自耿遷邢汲冢紀年謂祖乙遷奄此與序戾
不可據意者更有遷而史失之皇極經世盤庚五
遷復歸于亳改號曰殷三代世表云徙河南世紀
盤庚復南居亳之殷地今偃師是也周氏曰商人
稱殷自盤庚始自此以前惟稱商而已自盤庚遷
都之後於是殷商兼稱或只稱殷通志澗水出陽

地理通釋

卷之四

汲古閣

城東至西華汝陽入于潁與潁水合流古人并謂
潁爲澗故命以殷焉詩補傳曰殷以澗水得名澗
澗同音古澗水縣今陳州之商水

北二代世表武丁徙河北世紀武丁徙居朝歌今河內縣也酒誥明大命于妹邦孔氏云紂所都

朝歌以北是通志紂居朝歌隋改爲衛縣隸衛州
朝歌故城在縣西二十二里衛縣熙寧中省爲鎮

入黎陽戰國策殷紂之國左孟門而右漳釜前帶
河後被山史記吳起曰左孟門右太行常山在其

北大河經其南括地志紂都朝歌在衛州東北七
十三里朝歌故城是也本妹邑武丁始都之世紀

云帝乙復濟河北徙朝歌其子紂仍都焉地理志
河內本殷之舊都周既滅殷分其畿內爲三國詩

風邶庸衛國是也注自紂城而北謂之邶南謂之
庸東謂之衛左傳注殷虛朝歌也世紀紂自朝歌

北築沙丘臺沙丘在鉅鹿東北七十里括地志在邢州平鄉東北二里史記貨殖傳昔唐人都河東殷人都河內周人都河南夫三河在天下之中若鼎足王者所更居也

周都

世紀周后稷始封部今扶風獫狁是也

地理志右扶風獫狁縣后稷

所封括地志故獫狁城一名武功城在雍州京兆府武功縣西南二十二里古部國有后稷乃姜嫄祠

及公劉徙邑於豳詩稱于豳斯館今新平漆之東

有豳亭是也

后稷生不窋周語不窋失其官自竄戎狄之間括地志不窋故城在慶州

弘化縣南三里即不窋在戎狄所居之城也豳州新平縣即漢漆縣詩豳國公劉所邑之地郡縣志

地理通釋

卷之四十一

汲古閣

古豳城在邠州三水縣西三十里公劉始都之處通典慶州安化縣尉李城在白馬兩川交口亦曰

不窋城豳州開元十三年改豳為邠豳故桐邑是地理志右扶風桐邑有豳鄉詩豳國公劉所都桐

邑故城在三水縣東北二十五里

至太王避狄循漆水

在鳳翔府普潤縣東

入渭地理志在右扶風漆縣西

踰梁山

括地志在雍州好時縣西北十八里鄭康成云岐山

西南好時熙寧中屬鳳翔府

徙邑於岐山之陽西北岐城舊趾

是也詩稱率西水游至于岐下

康成云循西水湓沮漆水側也

南

有周原故始改號曰周

康成云周原在岐山之南詩闕宮曰居岐之陽地理

志岐山在右扶風美陽西北中水鄉周大王所邑括地志故周城一名美陽城在雍州武功縣西北

二十五里卽太王城也通典美陽縣故城在武功縣北七里輿地廣記鳳翔府扶風縣岐陽鎮漢美陽縣地周太王邑於岐山之下卽此詩所謂居岐之陽也文王始亦治焉唐岐陽縣元和三年省入扶風郡縣志岐山亦名天柱山在鳳翔府岐山縣東北十里孟子文王生於岐周王季徙

程書序曰維周王季宅程是也

孟子文王卒於畢鄆史記正義周書

云惟周王季宅鄆鄆故城在雍州咸陽縣東二十一里周之鄆邑也詩正義周書稱文王在程作程寤程典皇甫謐云文王徙宅於程蓋謂此也地理志右扶風安陵闕駟以爲本州之程邑也文

王受命徙都於鄆在今京兆之西詩旣伐于崇作

邑于豐

說文鄆文王所都在京兆杜陵西南括地志周豐宮文王宮也在雍州京兆府鄆縣

地理通釋

卷之四
十二

汲古閣

東三十五里鄭康成云豐邑在豐水之西鎬京在豐水之東徐廣云豐鎬相去二十五里皆在長安

南

豐

地理志鄆水出右扶風鄆縣東南通典

岐州鳳翔府岐山縣文王徙於岐卽此縣也孟子

曰文王治岐尚書大傳春子曰文王治岐詩皇矣

曰度其鮮原居岐之陽在渭之將鄭氏箋在岐山

之南居渭水之側後竟徙都於豐正義云太王初

遷已在岐山岐山之陽去舊都不遠豐則岐之東

南三百里蘇氏云文王旣克密須於是相其高原

而徙都焉所謂程邑是歟通典周文王作鄆今京

兆府長安縣西北靈臺鄉豐水

武王徙都鎬

封文王子

於鄆括地志鎬在雍州西南三十二里瀉水源出

長安縣西北瀉池長安志在縣西北十八里通典

今長安縣昆明池北鎬陂是也詩宅是鎬京後漢

志鎬在京兆上林苑中孟康云長安西南有鎬池

水經注鑄水上承鑄池於昆明池北鄴縣志周武
王宮卽鑄京也在長安縣西北十八里自漢武帝
穿昆明池於此鑄京遺趾淪陷焉穆天子傳之于
宗周注鑄京也通志周地西迫戎俗自岐之豐自
豐之鎬是西遠戎而東卽華也程氏曰伐商作洛
皆步自宗周而往以其事告于豐廟康有酆宮之
朝康王雖仍都鎬其受朝仍在豐地

及伐紂營洛邑而定鼎焉今洛

陽西南洛水之北有鼎中觀是也

史記周紀王曰自洛汭延于伊

汭居易毋固其有夏之居我南望三塗北望嶽鄙
顧詹有河粵陽雒伊毋遠天室營周居于雒邑而
後去太史公曰學者皆稱周伐紂居洛邑綜其實
不然武王營之成王使召公卜居居九鼎焉而周
復都豐鎬周書度邑曰武王問太公曰吾將
固有夏之居南望過于三塗北詹望于有河

周公

地理通釋

卷之四 十三

汲古閣

相成王以酆鎬偏處西方乃使召公卜居洛水之

陽以卽土中遂築新邑營定九鼎以爲王之東都

洛邑書我乃卜澗水東澗水西惟洛食

注今河南城也

爲王城各曰東周

公羊傳王城者何東周也地理志王城本郊鄆之地或謂之郊

鄆春秋傳成王定鼎于郊鄆河南是也今東門各
鼎門蓋九鼎所從入也郊山各鄆邑名桓七年王
遷盟向之民于郊襄二十四年齊入城郊郊王城
括地志故王城一名河南城本郊鄆周公新築在
河南縣北九里苑內東北隅自平王以下十二王
皆居此城至敬王乃遷都成周赧王又居王城洛
陽故城在洛陽縣東北二十六里周公所築卽成
周城也書我乃卜澗水東亦惟洛食注今洛陽也

將定下都遷殷頑民故并卜之周語靈王二十二年穀洛鬪將毀王宮韋昭曰洛水在王城南穀水在王城北東入于瀍婁敬曰成王營成周都洛以爲天下中諸侯四方納貢職道里鈞矣呂氏曰孔子序洛誥曰周公往營成周則成周乃東都總名河南成周之王城也洛陽成周之下都也王城非天子時會諸侯則虛之下都則保釐大臣所居治事之地周人朝夕受事習見既久遂獨指以爲成周矣通典

成王既卜營洛邑建明堂朝諸侯復還

豐歸于至懿王徙犬丘

之廢今京兆槐里是也

世本懿王居犬丘地理志右扶風槐里縣周曰犬丘

懿王都之括地志犬丘故城一名廢丘在雍州始平縣東南十里卽周懿王所都漢高祖三年更名

地理通釋

槐里今京兆府興平縣秦紀非子居犬丘厲王出于彘

今河東永安是也通典晉州霍邑縣漢彘縣詩序宣王復會諸侯于東都王氏曰成王於洛時會諸侯而已宣王時會諸侯於東都

而車攻謂平王徙居洛

洛誥所謂新邑也呂氏曰平王定都王城地理志初之復古

雒邑與宗周通封畿東西長而南北短短長相覆爲千里至襄王以河內賜晉文公又爲諸侯所侵故其分墜小郡國志河南周公所城雒邑也春秋時謂之王城東城門各鼎門北城門各乾祭注博物記王城方七百二十丈郭方七十里南

避子朝之亂東居成周

子朝居王城曰西王敬王居狄泉在王城之東曰東王春秋曰天王入于成周

後六年王室定遂徙都成周晉率諸侯之徒修

卷之四十四

汲古閣

繕其城以成周城小不受王都故壞翟泉以廣焉
翟泉地在成周東北郡國志雒陽周時號成周有
狄泉在城中注摯虞曰古之周南今之雒陽世紀
曰城東西六里十一步南北九里一百步通典狄
泉在今洛陽城東三十餘里呂氏曰洛都雖有二
城而成周則其總名杜預孔穎達皆以下都為成
周謂敬王繼子朝之亂自王城徙都之其說不然
大可以包小小不可以包大苟成周信為下都之
各則凡書之言洛皆謂之成周是以下都之名而
包王城其不可信一也左氏未嘗有敬王自王城
遷成周之明文第言子朝既逐王入于成周而已
敬王請城成周之辭亦謂成王合諸侯城成周以
為東都則成周者洛邑之
總名明矣其不可信二也

至赧王又徙居西周
呂氏

曰平王東遷之後所謂西周者豐鎬也東周者東
都也威烈王之後所謂西周者河南也東周者洛
地理通釋
卷之四
十五

汲古閣

陽也周紀考王封其弟于河南是為桓公以續周
公之官職惠公封其少子於鞏以奉王號東周惠
公注於是東有東西二周世本西周桓公揭居河南
東周惠公班居洛陽赧王時東西周分治西周河
南也東周鞏也趙世家成侯八年與韓分周以為
兩徐廣曰顯王二年周紀無此呂氏曰東西周各
為列國不復相關自是而後稱東西周君者皆謂
二周君也本紀云赧王時東西周分治非也赧王
特徙都西周耳當
以趙世家為正

白虎通夏曰夏邑殷曰商邑周

曰京師
詩公劉京師之野朱文公曰京師高丘而

後世因以所都為京師曰嬪于京依其在京則岐
周之京也王配于京則鎬京也春秋所書京師則
洛邑也皆仍其本號而稱之猶晉之云新絳故絳
也洛邑亦謂之洛師正京師之意也林氏曰岐在

郿西北無百里，又在岐西北四百餘里。豐在岐山東南二百餘里。鎬在豐東二十五里。方氏曰：豐鎬宗廟所在，故謂之宗周。洛邑以王道成於此，故謂之成周。

秦都

秦紀：非子居犬丘，周孝王分土為附庸，邑之秦。

注今

天水隴西縣。秦亭地理志：今隴西秦亭，秦谷是也。括地志：秦州清水縣本名秦嬴，姓邑漢屬天水郡。水經注：清水逕清水城南，又西與秦水合，水出東北。大隴山秦谷歷三泉合成一水，而歷秦川。川有故亭，秦仲所封也。秦之為號，始是秦水，又西南歷隴川，逕六槃口，過清水城西南，注清輿地廣記。秦州隴城縣有秦谷郡，縣志：秦城在隴州東南二十五里。莊公居其故西犬丘。

地理通釋

卷之四十六

汲古閣

世紀周懿王所都，今槐里是也。平王封襄公為諸侯，賜之岐以西之地，於是始國。文公居西垂宮，東獵至汧渭之會。

乃卜居之，占曰吉，即營邑之。

括地志：故汧城在隴州汧源縣南三里。世

紀云：襄公二年徙居汧，即此城。郿縣故城在岐州鳳翔府郿縣東北十五里。文公東獵汧渭之會，卜居之，乃營邑焉，即此城也。世紀：文公徙汧，今扶風郿縣是也。寧公徙居平陽。

世紀

郿之平陽亭是也。括地志：平陽故城在岐州岐山縣西四十六里。秦寧公徙都之處，岐山縣有平陽鄉。鄉內有平陽聚，武公居平陽，封宮正義云。在平陽城內，水經注：汧水逕郿夷縣，逕平陽故城南。

德公初居雍城大鄭宮。

卜居雍後子孫飲馬於河世紀今扶風雍是也。括地

志岐州雍縣南七里故雍城秦德公大鄭城也秦紀康公居雍高寢桓公居雍太寢今鳳翔府天興縣

獻公城櫟陽徙都之

世紀今馮翊萬年是也括地志櫟陽故城一名萬年

城在雍州東北百二十里漢七年分櫟陽城內為萬年縣通典漢萬年縣在京兆府櫟陽縣東北二十五里櫟陽故城是周明帝省萬年入廣陽更於長安城中置萬年縣仍移廣陽縣入舊萬年縣城

即今櫟陽縣是

孝公作爲咸陽築冀闕徙都之

世紀漢元年更名新

城屬扶風後并於長安故太史公曰長安故咸陽也元鼎三年復別爲渭城今長安西北渭水陽有故城西京賦秦里其朔寢爲咸陽括地志咸陽故城亦名渭城在雍州咸陽縣東十五里京城北四十五里即秦徙都者今咸陽縣古之杜郵劉伯莊云冀猶記事闕猶象魏也始皇置酒咸陽宮營作

地理通釋

卷之四 十七

汲古閣

朝宮渭南上林苑中先作前殿阿房爲閣道自殿下直抵南山爲復道自阿房渡渭屬之咸陽自孝公至于嬰十世居咸陽

漢都

世紀漢高帝元年始爲漢王都南鄭

屬漢中今興元府南鄭縣

二年北徙櫟陽

地理志屬左馮翊秦獻公自雍徙括地志秦櫟陽故宮在雍州櫟陽

縣北三十五里秦獻公所造三輔黃圖高帝都長安未有宮室居櫟陽宮

七年徙都長

安秦咸陽之地京兆所治縣也

地理志長安縣高帝五年置長安本

鄉各今爲永興軍治其城狹小惠帝元年更築廣之五年乃

成

地理志六年成通典今城西北古城是也括地志長安故城在雍州長安縣西北三十里漢之舊都本秦離宮長安故咸陽也

高帝居雒陽南宮婁敬說曰陛下

都雒陽豈欲與周室比哉竊以為不侔矣秦地被

山帶河四塞以為固因秦之故資甚美膏腴之地

此所謂天府群臣皆言不如都周帝疑未能決雷

侯曰關中左殽函右隴蜀沃野千里南有巴蜀之

饒北有胡苑之利阻三面而固守獨以一面東制

諸侯河渭漕輓天下西給京師所謂金城千里天

地理通釋

卷之四
十八

汲古閣

府之國於是帝即日駕西都關中

呂氏曰敬所談秦之形勢乃周

之形勢也

翼奉上疏元帝曰願徙都於成周左據成臯

右阻黽池前鄉崧高後介大河建榮陽扶河東南

北千里以為關而入敖倉地方百里者八尤足以

自娛東厭諸侯之權西遠羌胡之難淮陽王更始

元年都宛

今鄧州南陽縣

十月北都洛陽二年遷都長安

光武以武信侯封蕭王

今徐州蕭縣

即位於鄗南千秋

亭五成陌

更名高邑今趙州高邑縣後漢注即位壇在柏鄉縣柏鄉熙寧五年省入高邑

建武元年入雒陽幸南宮卻非殿遂定都焉

故成周之

舊基城東西六里十步南北九里一百步時人謂雒陽為東京長安為西京河南尹領縣二十兼

置司隸獻帝初平元年董卓遷都長安

郡縣志黃白城在京

北府三原縣西南十五里李傕亂政天子東遷三輔飢歎乃移保黃白城卽此地也秦曲梁宮在縣

西南十五里黃白城建安元年還雒陽曹操遷帝

內三原今屬耀州于許

漢潁川許縣本許國魏文帝改曰許昌故城在今潁昌府長社縣許田鎮南三十里唐屬

許州後唐改許田熙通志光武又以南陽為別都

寧四年省入長社謂之南都

張衡南都賦陪京之南居漢之陽華虞曰南陽郡治宛在京之南

地理通釋

卷之四十九

汲古閣

三國都

漢昭烈於沔陽立為漢中王卽位武櫓之南

沔陽故城

在興元府西縣西武都成都

公孫述改蜀郡為成都劉焉為益州牧初

治綿竹徙成都唐玄魏武為魏公都鄴

鄴縣漢為魏郡

治後魏置相州隋文徙其居民南遷四十里以安陽城置鄴縣本朝熙寧六年省入相州臨漳縣

文帝復都洛陽黃初二年以譙為先人本國

今亳州譙

縣許昌為漢之所居長安為西京之遺迹鄴為王

業之本基與洛陽號曰五都 吳大帝屯吳

今平江府

建安十三年初鎮丹徒

今鎮江府丹徒縣

築京城

南面西面各開

一門因京峴號為京鎮在建業之北因門為京口

十六年徙治秣陵十七

年城楚金陵邑號石頭改秣陵為建業

今建康府上元縣

黃初二年自公安

今江陵府

都鄂改鄂為武昌

今壽昌軍

黃

龍元年遷都建業陸遜輔太子登留武昌歸命侯

甘露元年徙都武昌後還都建業

滕牧留鎮武昌

晉都

晉武帝都洛陽

故洛陽城在今洛陽縣東二十里置司州

愍帝都長安

地理通釋

卷之四 二十

汲古閣

元帝南遷都建康

都城周二十里十九步本吳舊址晉江左所築但有宣陽門至

成帝作新宮始修城開陵陽等五門與宣陽為六蘇峻滅後宮闕荒殘溫驕議遷都王導曰建康帝

皇所居孫仲謀劉玄德皆云王者之宅不可改

宋齊梁陳都

宋因晉舊都於建康齊因宋梁因齊梁元帝興復

卽位於江陵

將還建康胡僧祐等曰建業王氣已盡與虜正隔一江若有不虞悔無及

也帝以建康彫殘江陵全盛從僧祐等議詔王僧辯鎮建康

陳復都建康後梁

蕭譽都江陵稱臣於魏為附庸

後魏都

拓跋氏東胡之後別部鮮卑

劉道原以為檀石槐兩部大人推寅之後

世居北荒

因大鮮卑山為號鮮卑山在營州柳城縣東二百里棘城之東塞外亦有鮮卑

山在遼西之北一百里未詳孰是

力微遷定襄之盛樂

盛樂縣在朔州北漢

志成

祿官分國為三部

一居上谷北濡源西東接宇文部自統之一居代郡

之參合陂北使子猗龜統之一居定襄之盛樂故城使猗盧統之

晉懷帝時劉琨

表以猗盧為大單于封代公徙馬邑

唐為朔州

城盛樂

以為北都修故平城以為南都愍帝進猗盧為代

地理通釋

卷之四 二十一

汲古閣

王

食代常山二郡通典今代州城後魏所置

賀偃始都東木根山什翼

犍更營盛樂

建國元年即位於繁時北三年都雲中之盛樂宮四年築盛樂城於故城

南入

秦苻堅殺寔君而分其國什翼犍之孫珪立

為代王

登國元年即位是為道武

都雲中在朔州北三百餘里

魏土地記雲中宮在雲中故城東四十里唐志單于府金河縣本道武所都秦漢雲中郡地

改

代曰魏自雲中徙都平城置司州代尹

天興元年遷都平城

後漢注今雲州定襄縣通典即今雲州隋雲內縣常安鎮也

孝文太和十九年

遷洛陽以平城之司州為恒州洛陽置司州河南

尹二十年改爲元氏後孝武遷長安爲西魏孝靜

遷鄴爲東魏

孝文經鄴登銅雀臺崔光曰鄴城平原千里漕運四通有西門史起舊迹

可以饒富請都之孝文曰鄴城非長久之地石虎傾於前慕容滅於後國富主奢暴成速敗且西有枉人山東有列人縣北有柏人城君子不飲盜泉惡其名也葉氏曰孝文慕華風變夷俗始遷洛邑根本既虛隨卽崩潰然則用夏變夷者聖人之道也以夷制夏者夷狄之利也失其利則衰反其常則滅烏得謂黎民懷之三才其舍諸

後周北齊都

周宇文氏繼西魏都長安

於長安城中置萬年縣唐高宗幸故長安城問

地理通釋

卷之四 二十二

汲古閣

侍臣秦漢以來幾君都此許敬宗曰秦居咸陽漢惠帝始城之其後苻堅姚萇宇文周居之

齊

高氏繼東魏都鄴

後魏置相州東魏初遷都置魏尹北齊改爲清都以鄴爲上都

晉陽爲下都鄴縣省入臨漳縣

隋都

隋文帝都長安

長安縣長壽坊

開皇二年營建新都在漢

故城之東南十三里

本後周京兆郡萬年縣界

南直終南山子

午谷北據渭水東臨灞滻西枕龍首原三年遷新

都名其城曰大興城

文帝初封大興公故以名正殿曰大興殿宮曰大興宮宮

北苑曰大興苑改萬年縣為大興縣或曰宮之大興殿本大興村故因用其名通典唐京城是也呂氏曰西京記云大興城南直子午谷今據子午谷乃漢城所直隋城南直石鑿谷則已微西不正與子午谷對也六典京城東西十八里一百十五步南北十五里一百七十五步皇城之南東西十坊南北九坊皇城之東西各十二坊

東都通典云故兩市居四坊之地凡一百十坊

都城自周至隋大業以前常為都邑今都城隋大

業元年所築

兩京記煬帝登北邙觀伊闕曰此龍門耶自古何為不建都於此蘇威曰

以俟陛下大業元年自故都移於今所其地周之王城初謂之東京改為東都六典煬帝詔楊素宇文愷移故都創造南直伊闕之口北倚邙山之塞東出瀍水之東西出澗水之西洛水貫都有河漢

地理通釋

卷之四 二十三

汲古閣

之象東去故都十八里大平御覽煬帝湯帝幸江遷洛陽於故周之王城即今東都城也

都

於揚州立江都宮

李淵立代王侑於長安王世充立越

王侗於東都

唐都

高祖都長安

本隋都改大興殿曰太極殿大興縣復為萬年縣

六典京城

左河華右隴坻前終南後九變皇城在京城之中

今謂之子城

宮城在皇城之北禁苑在大內宮城之北

西內

太極宮

東內

大明宮

南內

興慶宮

通典武德以來稱

京城

唐志天寶元年曰西京至德二年載曰中京肅宗元年曰上都

兩京記高宗

曰兩京朕東西二宅

始作上陽等宮

武后定都洛陽昭宗

天祐元年朱全忠遷唐都于洛陽六典東都城左

成臯右函谷前伊闕後邙山

唐志貞觀六年號洛陽宮顯慶二年曰東

都光宅二年曰神都神龍元年復曰東都天寶元年曰東京肅宗元年復為東都皇城曰太微城宮

城曰紫微城

肅宗至德二載以蜀郡為南京

成都

鳳翔

為西京西京為中京上元元年置南都於荊州

為江

陵寶應元年詔曰五都之號其來自久宜以京兆

地理通釋

卷之四 二十四

汲古閣

為上都河南為東都鳳翔為西都江陵為南都太

原為北都

唐志北都天授元年置神龍元年罷開元十一年復置天寶元年曰北京上元

二年罷肅宗元年復為北都六典京兆河南太原為三都

五代都

梁朱晃以汴州宣武節度建國升為東都開封府

以唐東都為西都廢京兆府為雍州

後唐莊宗即位於魏州

同光二年

升魏州為東京興唐府三年改為鄴都

滅梁遷洛京

元年以太原為西京鎮州為北

都又復北都為鎮州太原為北都復汴州為宣武軍永平軍為西都二年以洛京為東都

晉

石敬瑭鎮太原卽位都洛陽徙都汴

行闕以大寧宮為名升汴

州為東京開封府以洛陽為西京雍州為晉昌軍改興唐府為廣晉府復為鄴都

漢劉

暠卽位於太原都汴

改晉昌為永興軍廣晉為大名府

周郭威

都汴

廣順二年修大梁城三年築郊社壇作太廟於大梁 顯德元年廢鄴都二年以大梁城中迫隘詔

展外城

宋朝四京

東京開封府舊城

卽汴州城

唐建中初李勉築

周回二十里一

百五十五步本朝曰闕城亦曰裏城

新城周顯德三年韓通築

周回四十

地理通釋

卷之四 二十五

汲古閣

八里二百三十三步本朝曰國城亦曰外城

大內據闕城之西北宮城

周回五里

卽唐宣武節度治所梁為建昌宮晉為大寧宮建隆三年廣皇城之東北隅按

洛陽宮殿圖修之乾德三年導五丈河通皇城為池祥符九年增築新城熙寧八年重修都城太祖

生於洛陽有遷都之意晉王言非便太祖曰朕將西遷者欲據山河之固而去冗兵王又言在德不

在險太祖曰不出百年天下民力殫矣范文正公曰太平則居東京輻湊之地以便天下急難則守

西洛山河之宅以保中原通志曰汴四戰之地受敵最深魏東徙治梁王假被虜一國為魚梁末帝

之禍尤深王假靖康之難幾於石晉

西京河南府開寶八年修洛

陽宮室九年幸西京四月有事南郊京城周回五

十二里大內據京城之西北宮城周回九里三百

步 南京應天府闕伯所居商丘周為宋國漢為

梁國隋唐為宋州太祖以歸德軍節度使即位定

有天下之號曰宋景德四年升應天府祥符七年

升南京 正殿曰歸德 高宗即位于此 北京大名府漢

屬魏郡後周置魏州唐置天雄軍後唐建鄴都曰

興唐府晉建鄴都曰廣晉府後漢曰大名府 輿地廣記

左傳晉賜畢萬魏卜偃曰魏大名也其地於今為河中之永樂非元城之魏也漢以大名名此失矣

地理通釋 卷之四 二十六 汲古閣

今按舊唐書田悅稱魏王以魏州為大名府其失始此 慶曆二年升為北京

正殿曰班瑞

中興行都

建炎元年幸揚州三年幸杭州進幸江寧改江寧

為建康府四年幸温州復幸越州紹興二年以杭

州為臨安府幸臨安三年營建康行宮 即舊府治張浚謂人

主居此則北望中原常憤惕不敢暇逸 四年進幸平江府五年還臨

安六年又幸平江七年進幸建康八年復還臨安

遂定都

三十一年幸建康三十二年還臨安

真氏曰國

家南渡駐蹕海隅何異越棲會稽之日宗廟宮室本不應過飾禮樂文物本不應告備惟當養民撫士之意復讐而秦檜乃以議和移奪上心粉飾太平沮鑠士氣士大夫參於錢塘湖山歌舞之娛無復故都黍離麥秀之歎此檜之罪所為上通於天而不可贖也朱文公曰建康形勢雄壯然淮破則只隔一水欲進取則可都建康欲自守則莫若都臨安建康形勢勝於臨安張浚欲都建康趙鼎入相遂定都臨安

邵子曰三皇春也五帝夏也三王秋也五伯冬也

地理通釋

卷之四
二十七

汲古閣

七國冬之餘冽也漢王而不足晉伯而有餘三國伯之雄者也十六國伯之叢者也南五代伯之借乘也北五朝伯之傳舍也隋晉之子也唐漢之弟也隋季諸郡之伯江漢之餘波也唐季諸鎮之伯日月之餘光也後五代之伯日未出之星也

五伯

夏伯昆吾

杜氏云東郡濮陽縣唐武德四年析濮州濮陽置昆吾縣八年省濮陽縣今屬開德府括地志昆吾故城在縣西三十里

商伯大彭

今徐州彭城縣或謂之韋

杜氏云東郡白馬縣東南有韋城今滑州韋城縣

周伯齊桓

世家太公都營丘括地志

營丘在青州臨淄北百步外城中水經注臨淄城中有丘淄水出其前經其左故有營丘之名胡公

徙都薄姑括地志薄姑城在青州博昌縣今博興縣東北六十里薄姑氏本殷諸侯國地理志琅邪

姑幕縣應劭曰薄姑氏之國後漢注姑幕故城在密州莒縣東北獻公徙薄姑都治臨菑輿地廣記

青州臨淄縣城臨淄水即營丘也

晉文

叔虞封唐括地志故唐城在絳州翼城縣西二十里

即堯裔子所封子燮為晉侯徙居晉水傍在并州

晉陽縣北二里詩譜云燮父以堯墟南有晉水改

曰晉侯穆侯自晉陽徙都絳孝侯改絳為翼一名

故絳在絳州翼城東南十五里後為曲沃武公所

并自曲沃徙都之獻公又命曰絳後魏為北絳縣

隋吹曰翼城景公遷新田又謂新田為絳括地志

地理通釋 卷之四 二十八 絳邑故城漢絳縣本晉都新田在絳州曲沃縣南二里因絳山為名通志新田今絳州絳縣

汲古閣

十二諸侯

太史公曰齊晉秦楚其在成周微甚封或百里或

五十里晉阻三河齊負東海楚介江淮秦因雍州

之固四國佚典更為伯主文武所褒大封皆威而

服焉譜十二諸侯自共和訖孔子魯都曲阜

志兖州曲阜縣外城即魯公伯禽所築祥符中改曲阜為仙源

齊 晉 秦

地括

前

楚 見後

宋都商丘

世本宋更名曰睢陽正義今宋州宋城縣

衛都朝歌

故城在衛州衛縣西二十二里衛縣今省入濟州黎陽

戴公廬于

曹

亦作漕今滑州白馬是也

齊桓城楚丘而居文公焉

括地志楚丘滑

州衛南縣今屬開德府

成公遷帝丘

濮陽

元君徙野王

正義懷州城古

野王邑也

陳都宛丘

今陳州治

蔡本畿內之地為蔡叔

之采邑

孔安國云叔封圻內世本叔居上蔡書正義圻內蔡地不知所在

蔡仲改

封汝南

宋仲子云胡徙居新蔡杜預云武王封叔度於汝南上蔡括地志蔡州上蔡縣在州

北七十里古蔡國外城叔度所都城也有蔡崗在縣東十里因名

平侯徙都新蔡

蔡州新蔡縣

昭侯徙州來

以州來為下蔡汝南為上蔡州來即下蔡縣今壽春府治

地理通釋

卷之四二十九

汲古閣

曹都曹

今廣濟軍治定陶是

鄭桓公友初封於鄭

括地志故

城在華州鄭縣西北三里

武公取號鄩十邑之地居之今河南

新鄭是也

今鄭州新鄭縣

燕

見後

吳都吳

世本吳孰哉始居蕃

離宋忠注熟哉仲雍也蕃離今吳餘暨縣正義太伯居梅里在常州無錫去東南六十里至十九世

孫壽夢居之號句吳諸樊南徙吳至光使子齊築闔閭城都之今蘇州也世本熟移丹徒句吳家楚

徙吳宋忠注句吳太伯所居地名索隱云表言十二實敘十三者賤夷狄不數吳吳越春秋太

伯起城周三里二百步外郭三百餘里在西北隅名曰故城闔閭元年造大城周回二十七里築小

城周十里寰宇記太伯初適吳築城在平門外太伯至王僚二十三王都之今常州無錫縣東南四

十里有吳太伯城是也闔閭始築吳郡城都之今蘇州城是通典常州無錫注太伯始居此地蘇州注闔閭以越都會稽今會稽城亦謂句踐城句後都于此縣東越見春秋凡六共三稱越皆在昭公之時其三稱於越二在定公一在哀公之時蘇氏曰十二諸侯首魯訖吳實十三國而越不與焉不知中國禮樂絕而棄之通典吳之都其南百四十里與越境分

六國

趙之先造父封趙城

今晉州趙城縣

晉獻公賜趙夙耿

今河

中府龍門縣東南

趙襄居原

括地志故原城在懷州濟源縣西北二里今屬孟州

簡

地理通釋

卷之四 三十

汲古閣

子居晉陽

今太原府

獻侯治中牟

索隱曰在河北非鄭之中牟

敬侯

元年始都邯鄲

今磁州縣

魏晉獻公以魏封畢萬

魏城

在陝州芮城縣北五里漢河北縣輿地廣記河府永樂縣古魏國唐分芮城置水經注永樂澗水北出于薄山南流逕河北縣故城西故魏國也晉以封畢萬

魏絳徙治安邑

在陝州夏縣又解州縣武侯二年城安邑

惠王三

十一年徙治大梁

今開封府祥符縣

稱梁王

韓武子封

於韓原

今同州韓城縣

宣子徙居州

漢河內州縣括地志懷州武德縣本周司

寇蘇忿生之州邑也照寧六年省武德為鎮入河內縣

貞子徙居平陽

晉州臨汾

縣世本云景哀侯二年滅鄭因徙都鄭改號曰鄭

子徙平陽鄭縣戰國策謂韓齊田和立為齊侯都臨菑地

志臨菑名營丘故楚熊繹當周成王時封於楚

蠻居丹陽徐廣曰在南郡枝江縣今江陵府括地

熊繹之始國也輿地志秭歸縣東文王始都郢括

有丹陽城周廻八里熊繹始封也地

志紀南故城在荊州江陵縣北五十里杜氏云郢

今南郡江陵縣北紀南城是括地志平王城郢在

江陵縣東北六昭王去郢北徙都都括地志楚昭

里故郢城是也王故城在襄

州樂鄉縣東北三十三里輿地廣記都縣故都國

春秋時自商密遷此為楚附庸楚滅之昭王畏吳

地理通釋卷之四汲古閣

自郢遷焉後復還郢唐改為樂襄王二十三年秦

鄉周省入宜成縣今襄陽府拔郢東北保於陳城今陳州考烈王二十二年東徙

都壽春命曰郢今安豐軍項梁立楚懷王孫心為

楚懷王都盱台今招項羽尊懷王為義帝徙長沙

郴縣今郴荆自文王始見於春秋僖元年始稱楚

燕武王封召公於北燕都薊幽州薊縣司馬公

微逼介蠻貊不與中國之會盟太史公世家以姁

姓之燕仲父伐周惠王者為北燕誤矣括地志燕

山在幽州漁陽縣東南六十里國都城記地在燕

山之野故國取名焉輿地廣記武王封帝堯之後

於薊又封召公於北燕其後燕國都薊詩補傳曰
薊後改爲燕猶唐之爲晉荆之爲楚或曰黃帝之
後封於薊者已絕成王更封召公奭於薊爲燕
蘇氏曰周衰姬姓復興者三國燕韓魏皆據地干
里 戰國策安邑者魏之柱國也晉陽者
趙之柱國也鄢郢者楚柱國也杜國都也

十八王

漢異姓諸侯表據漢受命譜十八王西楚霸王項

籍都彭城今徐州衡山王吳芮都邾今黃州黃岡縣東南臨江

王共敖都江陵江陵府縣九江王英布都六安豐軍安豐縣常

山王張耳都襄國邢州龍岡縣代王趙歇都代蔚州臨淄

地理通釋 卷之四 三十二 汲古閣

王田都都臨菑青州濟北王田安都博陽在濟北膠

東王田市都卽墨萊州膠水縣南雍王章邯都廢丘京北府興

平塞王司馬欣都櫟陽京兆府縣翟王董翳都高奴在

州北今延安府 膚施縣金明寨 燕王臧荼都薊幽州遼東王韓廣都

無終薊州玉田縣魏王魏豹都平陽晉州城西殷王司

馬卬都朝歌衛州衛縣今濬州黎陽縣衛鎮 韓王韓成 都陽翟今

昌府 河南王申陽都雒陽今河南府

西漢末群雄割據

赤眉樊崇立劉盆子於長安居長樂宮 彭寵據

漁陽稱燕王今薊州 王郎稱帝於邯鄲今磁州 劉

永據睢陽為梁王稱帝今應天府 盧芳據安定稱西

平王匈奴立為漢帝今涇州 隗囂據天水為朔寧王今秦州初

據平襄後 秦豐據黎丘號楚黎王今襄陽府宜城縣黎丘城

張步據臨淄為齊王今青州 董憲據東海為海

西王今海州 李憲據廬江稱淮南王今廬州 公孫

述據成都為蜀王稱帝號成家今成都府

地理通釋 卷之四 三十三 汲古閣

十六國

涼 蜀 趙 後趙 燕 秦 後燕 後秦

西秦 後涼 南涼 南燕 西涼 北涼 夏

北燕 晉載記劉淵以惠帝永興元年據離石

今石州 稱漢永嘉二年徙都蒲子今隰州隰川縣僭位遷都平陽今晉州 劉曜徙

都長安國號曰趙謂之前趙曜子嗣奔上邦 李雄以永興元年

稱成都王僭帝位建國為成壽改 後九年石勒據

襄國今邢州龍岡縣 稱趙石虎據鄴今相州謂之後趙 張氏先據河西

張軌據姑臧今涼州是歲自石勒後三十六年也重華自稱

涼王據敦煌今沙州謂之前涼後一年冉閔據鄴稱魏後一年

苻健據長安稱秦永和八年僭位苻丕稱帝于鄴苻登稱帝于隴東南安郡慕

容氏先據遼東廐遷於徒河之青山移居棘城通典漢徒河縣之青山在營州城東

百九十里棘城在營州城東南一百七十里稱燕是歲自苻健後一年

也儁始僭號號以咸康三年即燕王位築龍城改柳城為龍城縣七年遷都龍城號新

宮曰和龍通典營州柳城縣有和龍城通志即大遼之黃龍府也儁都薊以永和八年僭位自薊城

遷于鄴謂之前燕後三十一年後燕慕容垂據鄴都中山後

地理通釋卷之四 三十四汲古閣

秦姚萇據長安後二年西燕慕容冲據阿房京北府長

安縣有阿房宮是歲也乞伏國仁據枹罕今河川通稱秦

典在蘭州五泉縣後曰子城縣北史築勇士城都之乾歸遷金城今蘭州謂之西秦水經注苑川水

出勇士縣之子城南山東北流世謂之子城川又北逕牧師苑故漢牧苑之地也有東西二苑城相

去七里西城即乞伏所都也後一年慕容永據上黨稱帝於長

子今潞州隆德府是歲呂光據姑臧稱涼謂之後涼後十二年

慕容德據滑臺今滑州稱南燕都廣固今青州益都縣西是歲禿

髮烏無據廉川築廉川堡以都之隆安元年稱西平王水經注漢水又西南合焉廉

川水隗囂奔西城從楊廣後人以廣為廉置楊廉
縣水出西谷東南流逕西城縣故城北後漢注西
城縣屬漢陽郡一名始昌稱南涼烏孤更稱武威
城在今秦州上邽縣西南王後三歲徙于
樂都通典鄯州湟水縣有湟水一名樂都水後魏
置鄯州後周置樂都郡今為西寧州又云烏孤都
廣武張駿置廣武郡蘭州廣武縣也唐更名金城
縣利鹿孤徙居西平後漢西平郡故城在鄯州鄯
城縣西今西寧州以隆安五年稱河西王儂
檀以元興元年號涼王遷樂都又遷姑臧

據張掖今甘**稱北涼**後三年李暠據敦煌稱西涼

遷酒泉後一年沮渠蒙遜殺段業稱涼都張掖遷姑臧謂之

北後四年譙縱據蜀稱成都王後二年赫連勃勃

地理通釋卷之四 三十五汲古閣

據朔方都統萬今夏**稱大夏**赫連定僭號於平涼今渭州後二

年馮跋據和龍營州**稱北燕為戰國者一百三十**

六載何氏曰晉之與中原半為夷居劉淵匈奴也而居扶風苻氏氏也而居臨渭慕容鮮卑也而居

昌黎是以劉淵一倡而并雍之胡乘時四起邵子曰晉室之禍本於夕陽亭之一言石勒長嘯于上

東門亦悠悠爾蘇氏曰劉石慕容苻之儔覆亡相繼遠者不過一傳再傳而滅何也其心固安於無

法也而束縛於中國之法中國之人固安於法也而苦其無法君臣相戾上下相厭安

能久乎晉取三焉蜀南燕後秦

隋末群雄割據

鄭王世充據東魏李密據華梁蕭銑據夏竇建德

瀛州縣遷高開道據漁梁梁師都據朔涼李軌

都洛州燕陽薊州梁方夏州涼據武

威州薛舉據金永樂李子和據榆定楊劉武周

涼州劉黑闥吳李子和據江吳杜伏威

汗州和梁沈法興起吳輔公祐據丹陽卽陳楚朱

州鄧州元興操師乞據豫楚林士弘據虔魯徐圓

十國

地理通釋

卷之四 三十六

汲古閣

歐陽公曰自唐失其政天下乘時黥髡盜販袞冕

峨巍吳暨南唐姦豪竊攘蜀險而富漢險而貧貧

能自彊富者先亡閩陋荆蹙楚開蠻服剽剝弗堪

吳越其尤牢牲視人嶺蠻遭劉百年之間竝起爭

雄山川亦絕風氣不通語曰清風興群陰伏日月

出燿火息故真人作而天下同

職方考梁初天下別爲十一國南有吳楊行密浙

錢鏐荆高季興湖馬殷閩王審知漢劉隱西有岐

李茂貞蜀王建北有燕劉仁叅晉李克用至於周

末在者七國自江以南二十一州為南唐自劔以

南及山南西道四十六州為蜀自湖南北十州為

楚自浙東西十三州為吳越自嶺南北四十七州

為南漢自太原以北十州為東漢而荆歸峽三州

為南平 劉道原十國紀年吳楊行密唐李昇後

都金陵遷豫前蜀王建後蜀孟知祥吳越錢鏐閩

章復都金陵 漢劉隱楚馬殷荆南高季興南劉晏

福州 廣州 潭州 荆南 平江陵 北漢劉晏五代

地理通釋 卷之四 三十七 汲古閣

史曰東漢 王延政以建州稱殷即閩也

胡文定公曰避寇而徙都未有能復振者周自豐

鎬徙于東洛而不振魏自安邑徙于大梁而不振

楚自渚宮徙于陳蔡而不振劉嗣自咸陽徙于上

邽而不振赫連定自統萬徙于北地而不振李景

自秣陵徙于豫章而不振故中夏定都必與俱存

而不動李氏紀曰後唐李氏有淮南則可都金陵其後失之遂以削弱通鑑地理通釋卷之四 終

通鑑地理通釋卷之五

十道山川攷

禹貢定高山大川以別九州之境職方爾雅取法焉山川萬古不易州縣隨時變遷後之志地理者附山川于注失其綱領唯唐六典敘十道得禹貢遺意今釋其地以備參攷山川能說九能之一或庶幾焉

關內

地理通釋

卷之五

汲古閣

東距河

班固西都賦帶以洪河注書曰導河自積石南至于華陰

西極隴坂

隴坂卽隴坻今之隴山應劭曰隴西郡有隴坻

在其西見後杜篤論都賦置列汧隴靡偃西戎

西京賦右有隴坻之隘注應劭曰天水有大坂曰隴坻

南據終南之山

西都賦表以太華終南之山地理志武功縣太

一山古文以為終南張衡西京賦終南太一隆

崛崔峯

注五經要義太一一名終南山在扶風武功縣此云終南太一不得為一山明矣蓋終南南山之總

名太一一山之別號郡縣志終南山在京兆府

萬年縣南五十里按經傳所說一名太一亦名

中南

據西京賦云西征賦云九嶷巖薛太一龍從面終南而背雲陽跨平原而連蟠冢然

則終南太一非一山也

左傳中南九州之險也柳宗元謂

據天之中在都之南西至于褒斜又西至于隴

地理通釋

卷之五
二

汲古閣

首以臨于戎東至于商顏又東至于太華以距

于闕其物產之厚器用之出則瓊琳琅玕夏書

載焉紀堂條梅秦風詠焉

終南山又在鳳翔府郿縣南三十里

北邊沙漠

唐世突厥薄渭橋吐蕃入奉天邇戎狄故也

名山 太白

在鳳翔府郿縣東南五十里

漢武功縣地

柳宗元碑

云其地寒冰雪之積未嘗已水經注地理志武

功縣有大一山古文以爲終南杜預以爲中南亦曰太白山在武功縣南去長安二百里俗云武功太白去天三百杜彥達曰太白山南連武功山於諸山最爲秀桀冬夏積雪望之皓然

韓愈

南山詩西南雄太白
唐田游巖入太白山

九巖

在京兆府醴泉縣漢左馮翊谷口縣也

谷口縣九巖山

在西谷口故城在醴泉東北四十里西都賦冠以

地理通釋

卷之五
三

汲古閣

九巖陪以甘泉西京賦九巖甘泉涸陰沍寒水經注涇水東經九巖山東中山西謂之谷口

吳山

職方雍州山鎮嶽山在隴州吳山縣西南五十

里謂之吳嶽唐爲西鎮

禹貢導岍漢志以爲扶風汧縣吳山按隴州汧

源縣有岍山汧水所出非吳山也

岐山

在鳳翔府岐山縣東北十里亦名天柱山漢右

扶風美陽縣西北周大王所邑文王始亦治焉
西京賦注說文曰岐山在長安西美陽縣界山
有兩岐故因以名焉周之興也鸞鷲鳴於岐山
成王有岐陽之蒐石鼓文在天興縣南二十里
石形如鼓其數有十韋應物詩謂宣王大獵岐
陽韓愈歌亦云蒐岐陽其文可見者四百六十
五

呂氏春秋九山之一 河圖曰岐山在崑崙
東南爲地乳 岐陽鎮詩所謂居岐之陽也

梁山

地理通釋

卷之五
四

汲古閣

在京兆府奉天縣北五里 漢志有扶風好時縣
有梁山 九域志奉

天縣鳳翔府好
時縣有梁山 古公踰梁山秦立梁山宮又同

州韓城縣南十九里亦有梁山漢左馮翊夏陽

縣西北詩韓奕所謂奕奕梁山也爾雅以爲晉

望 薛氏禹貢解曰梁山在同州韓城縣而乾州
好時縣亦有梁山在邠岐間非禹貢之梁山
也

秦華

在華州華陰縣南八里山海經華首之山西六

十里曰太華之山削成而四方其高五千仞其

廣十里

太華西八十里少華之山西京賦綴以二華少華山在華州鄭縣東南十里

唐玄宗銘曰雄峰峻削藹蒼森爽是曰靈嶽衆

山之長偉哉此鎮崢嶸中土高標燁日半壁飛

雨華嶽題名五百十一人再題三十一人自開

元訖清泰

獨孤及仙掌銘巨靈巖肩高掌遠蹠以流河曲厥跡猶存巨靈河神也遁

甲開山圖曰巨靈能造山川出江河

大川 涇

地理通釋

卷之五 五

汲古閣

出原州百泉縣開頭山東南至京兆府高陵縣

入渭職方雍州川論都賦帶以涇渭號曰陸海

山海經出長城北山

渭

出渭州渭源縣

今熙州渭源堡

烏鼠山東至華州華陰

縣入河山海經烏鼠同穴之山渭水出焉東流

注于河水經出南谷山在烏鼠山西北職方雍

州浸郡縣志在京兆萬年縣北五十里論都賦

鴻渭之流徑入于河大船萬石轉漕相過潘岳

西征賦北有清渭濁涇黃氏曰渭水出熙州狄道縣烏鼠同穴山東南

至華州華陰縣入河

灞

出藍田谷北入渭在京兆府萬年縣東二十一

里西征賦南有玄灞素灑通典荆溪下流也故滋水秦穆公更各以

顯霸功郡縣志卽秦嶺之下流東南自商川上洛

縣界流入又西北流合涇水入渭白鹿原在萬

地理通釋

卷之五 六

汲古閣

年縣東二十里亦謂之霸上

涇

亦出藍田谷北至萬年縣入渭水經北入于灞

注云北歷藍田川北流注于霸水上林賦終始霸產唐望春宮

臨涇水韋堅治漢隋運渠絕灞涇並渭而東至永豐倉與渭合長樂坡在萬

年縣東北十二里本涇陂隋文帝即涇川之西岸更名

遠夷控北蕃突厥

吐蕃本西羌屬散處河湟江岷間或曰南涼禿

髮利鹿孤之後突厥古匈奴北部居金山之陽
其地三垂薄海南抵大漠

河南

東盡于海

古青徐之域

西距函谷

古函谷關在陝州靈寶縣函谷故城在縣南十
里東自崤山西至潼津通名函谷號曰天險所

地理通釋

卷之五
七

汲古閣

謂秦得百二也

南瀕于淮

古徐州之域

北薄于河

古豫兗之域洛陝負河而北號汝許鄭負河而
南

名山 三嶠

又名欽崮山在河南府永寧縣北二十八里自

東嶠至西嶠二十五里呂氏春秋九塞之一輿地廣記二

嶠山連入硤石界其南陵夏后皐之墓其北陵

文王之所避風雨春秋晉敗秦師于穀陝州石

壕鎮本穀縣後魏置唐改硤石誦訓掌道方志以詔觀事若魯

有大庭氏之庫穀之二陵

少室

在河南府登封縣西十里漢潁川密高縣也在

告成縣西北五十里漢陽城縣述征記漢武築

地理通釋

卷之五

汲古閣

登仙臺

砥柱

俗名三門山在陝州硤石縣東北五十里黃河

中山有三門河所經唐太宗勒銘硤石省入陝縣山在

河中形若柱水經注謂禹所鑿禹貢導河積石至于龍門又東

至于砥柱李齊物鑿砥柱為門以通漕裴

擢卿鑿漕渠以避三門之險隋開皇十五年

鑿砥柱宋乾德元年鑿砥柱

蒙山

在沂州費縣西北八十里

楚老萊子所耕處

禹貢蒙羽

其藝詩奄有龜蒙漢泰山郡蒙陰縣西南

東蒙山在

費縣西北七十五里顯更爲東蒙主近於費

嶧山

一名鄒山在兗州鄒縣南二十二里郡縣志秦

始皇觀禮于魯刻石於嶧山禹貢嶧陽孤桐詩

奄有鳧繹

太史公鄉射鄒嶧嶧山中鎮鄒山後自嶧山奔下邳

晉郗鑒避難

嵩

地理通釋

卷之五

汲古閣

在河南府登封縣北八里漢潁川宥

卽嵩字

高縣

也一曰太室山是爲中嶽

晉司馬侯曰大室九州之險也漢武帝禮

登太室

郡縣志東曰太室西曰少室嵩高總名卽中嶽也山高二十里周廻一百三十里少

室山在縣西十里啓母祠縣東北七里漢武帝祀中嶽見夏啓母石是也

岱

職方兗州山鎮岱山泰山也一曰岱宗在龔慶

府奉符縣西北三十里

唐兗州乾封縣

漢泰山郡博縣

西北

漢官儀泰山東南名曰觀管仲曰古者封泰山禪梁父者七十二家社首山在

縣西北二
十六里

大川 伊

出商州上洛縣熊耳山東北至河南府洛陽縣

南北入于洛

郡縣志伊水在河南縣東南十八里

秦三川郡謂河

洛伊

山海經蔓渠之山伊水出焉東流注于洛

洛

職方豫州川出商州洛南縣冢領山至河南府

鞏縣入河

郡縣志在洛陽縣西南三里西自苑內上陽之南瀰漫東流

繫辭

地理通釋

卷之五

汲古閣

曰洛出書禹貢豫州伊洛入于河

伊水入洛洛水入河

海經謹舉之山雒水出焉東北流注于玄扈之

水

河圖曰玄扈洛汭

冢嶺山在河南縣西七十里洛水

所出

汝

出汝州梁縣天息山逕蔡潁州入淮爾雅汝爲

潁

潁

出河南府陽城縣陽乾山東至壽春府下蔡入

淮皆古豫州地職方以爲荊州浸未詳山海經出少室黃氏曰出河南登封

陽乾山東南流至潁川潁上縣入淮

沂

出沂州沂水縣艾山南至下邳西南入泗禹貢

徐州淮沂其又職方青州浸曾氏曰徐州水以

沂名者非一酈道元謂水出尼丘山西北徑魯

之雲門亦謂之沂水水出泰山武陽之冠石山

地理通釋

卷之五十一

汲古閣

亦謂之沂水禹貢廣記曰沂水經下邳縣分爲

二水一水於城北西南入泗一水經城東屈曲

從縣南亦注泗謂之小沂水

泗

職方青州川出襲慶府泗水縣桃墟西北陪尾

山源有泉四四泉俱導因以爲各西南過彭城

又東南過下邳入淮禹貢泗濱孔子宅在曲阜

縣今仙源縣故魯城中歸德門內闕里之中背洙泗

矍相圃之東北太史公北涉汶泗講業齊魯之
都觀夫子遺風

淮

職方青州川出唐州桐柏縣桐柏大復山東南
至盱眙軍招信縣入海水經云出南陽平氏縣

胎簪山

禹自桐柏導之耳桐
柏縣漢平氏縣東界

濟

職方兖州川洙

當以古文
洙字爲正

出絳州垣曲縣王屋

地理通釋

卷之五
十二

汲古閣

山東南始發源曰沅水既見而伏東出於孟州

濟源縣二源東源周迴七百步西源周迴六百

八十五步合流至溫縣是爲濟水西南入于河

山海經出共山南東丘酈道元謂當王莽之世

川瀆枯竭但入河而已不復截流而南

古說濟
水伏流

地中 通典禹貢濟水洙爲滎今不復入滎

遠夷控海東新羅日本

新羅魏時新盧國本辰韓種辰韓始有六國稍

分爲十二新羅其一也國在百濟東南東濱大海兼有沃沮不耐韓濊之地倭自後漢通焉在帶方東南大海中依山島居一名日本自云國在日邊故以爲稱

河東

東距常山

左傳晉表裏山河常山見後

西據河

地理通釋

卷之五
十三

汲古閣

河至慈州文城縣孟門山是爲入龍門至絳州汾州合河之上是爲出龍門口柳子晉問晉之故封黃河迤之

南抵首陽太行

雷首山在河中府河東縣本蒲坂舜都也夷齊居其陽所謂首陽山也

山南曰陽

石曼卿詩謂耻生

湯武于戈日寧死唐虞揖遜區區詩唐風采芣首

陽

太行山在懷州河內縣西北

亘十州之界

連亘河北

諸州

始於懷而達於幽

爲天下之脊一名皇母一名女

媧其上有女媧祠

寰宇記在河內縣北二十五里郡縣志太行陘在縣西北

三十里

崔伯陽感山賦曰上正樞星下開冀方逢

胃而畢自柳以張亂則冀安弱則冀強起爲名

丘妥爲平岡歸乎甚尊其名太行墨翟察而知

驥之貴尸佼過而辨牛之難穆王升由雀道而

出世宗行自大河而還孝明嘗登幸上黨郡章

地理通釋

卷之五十四

汲古閣

帝以游至天井關孟德北上紀摧輪之恐謝公

西顧引憂生之端阮籍失路而詠懷劉峻懷交

而發歎歸晉陽子惠之便道對二坂祖濬之詳

觀決羊腸之險壑此山之道攻滎陽伐韓以威

天下應侯爲秦昭王之謀也據敖倉之粟杜此

山之阨距飛狐之口守白馬之津使天下知所

歸者酈食其爲漢高祖之謀也踰此山入射犬

破青犢之衆殺謝躬於鄴以收復天下爲心者

漢光武之謀也濟河降射犬之衆還軍敖倉屬魏种以河北事然後西向以爭天下者魏武帝之謀也進據武牢扼其襟要併竇建德不能踰山入上黨收河東之地而卒以并天下者唐太宗之謀也禹貢太行恒山至于碣石注曰二山連延東北接碣石述征記曰太行山首始於河內自河內北至幽州凡有八陁罕都陁在幽州昌平縣北

十里太行八陁蓋盡於此

地理通釋

卷之五
十五

汲古閣

北邊匈奴

漢匈奴傳詩薄伐獫狁至于太原晉文公攘戎翟悼公和戎翟戰國趙邊於匈奴

名山 雷首

在河中府河東縣南十五里禹貢壺口雷首至于太岳一名中條山唐司空圖居山之王官谷

唐志河中府永樂縣壺口山在慈州吉鄉縣

郡縣志平山一名壺口山今名姑射山在晉州

臨汾縣西八里

介山

在河中府萬泉縣漢河東汾陰縣南

武帝用事介山其山

特立周七十里高三十里在縣西南二十里唐志又汾州介休縣亦有介山

霍山

職方冀州山鎮謂之霍大山在晉州霍邑縣東

北三十里漢河東彘縣禹貢大岳岳陽

崞山

音郭

在代州崞縣

本作崞誤

後漢書注崞縣有崞山地理

地理通釋

卷之五十六

汲古閣

志名山無崞山有五臺山在代州五臺縣東北

百四十里道經以為紫府山內經以為清涼山

漢慮虎縣隋改

九域志崞縣有崞山

大川

汾水

職方冀州浸出憲州靜樂縣

漢汾陽縣地

北管涔山

南流至河中府寶鼎縣北入河

寶鼎漢汾陰縣

說文出

太原晉陽山西南入河詩彼汾沮洳國語宰孔

曰晉景霍以為城汾河涑澮以為淵

山海經管涔之山汾

水出焉又云汾
水出上窳北

晉水

在太原府陽曲縣晉陽省入陽曲出縣西懸壩山東入

汾山海經縣雍之山晉水出焉東南流注于汾

水雍音甕詩譜晉陽南有晉水唐叔子燮改爲晉

侯唐北都城左汾右晉

丹水

澤州高平縣有洧水一曰丹水漢上黨高都縣

地理通釋

卷之五
十七

汲古閣

莞谷丹水所出東南入洧水高都澤州晉城縣隋曰丹川

沁水

出沁州沁源縣漢穀遠縣後魏改今屬威勝軍羊頭山世靡谷

至懷州武陟縣入河澤州有沁水縣山海經謁

戾之山在上黨涅縣沁水出焉南流注于河注云至滎陽東

北入河又云出井陘山東東南注河入懷東南懷縣

今武陟

河北

東並於海

滄州安東並海

南近于河

爾雅兩河間曰冀州職方河內曰冀州通典河
在無棣縣界

西距太行常山

見前 地理志媯州懷戎縣東南五十里有居

庸塞東連盧龍碣石西屬太行常山實天下之

地理通釋

卷之五
十八

汲古閣

險有鐵門關

居庸呂氏春秋九塞之一

北通渝關

渝關在幽州北七百里營州城西四百八十里

又平州石城縣有臨渝關在州西一百八十里

因渝水為名

名山

林慮

音廬

在相州林慮縣西二十里

本隆慮漢屬河內郡
魏帝改為林

夏

馥入山中匿姓名為冶家傭崔伯易感山賦隆

慮雷首

橋順二子師事仙人盧子基於隆慮山棲霞谷

白鹿

在衛州共城縣西五十四里

隋章仇大翼隱於白鹿山徙居林慮

山茱萸澗

封龍

一名飛龍山在真定府獲鹿縣南四十五里

漢石

邑郡縣志飛龍山在趙州元氏縣西北三十里

趙武靈王取封龍隋志石邑縣有封龍山唐志趙州元氏縣有封龍山晉王浚使祁弘東討石

地理通釋

卷之五十九

汲古閣

勒戰於飛龍山

井陘

陘山在真定府井陘縣東南八十里四面高平

中下似井故名之韓信擊趙欲下井陘隋唐置

井州 呂氏春秋九塞之一 井陘口今名土門口在獲鹿縣

西南十里有井陘關一名土門即太行八陘之

第五陘也

碣石

在平州石城縣西南漢右北平郡驪城縣通典

州盧龍縣南二十餘里郡縣志盧龍縣南二十三里碣然而立在海旁水

經注驪城枕海有石如甬道數十里當山頂有

大石如柱形其山昔在河口海濱歷世既久為

水所漸淪入于海去岸五百餘里秦築長城起所自碣石在北碣石異

禹貢夾右碣石入于河山海經碣

石之山繩水出焉注水經曰今在遼西臨淪縣

南水中秦皇刻碣石門登之以望巨海漢武帝東巡海

地理通釋 卷之五 二十 汲古閣

上至通典碣石山在漢樂浪郡遂城縣長城起

於此山長城東截遼水而入高麗遺趾猶存右

石即河赴海處在平州高麗中為左碣石

常嶽

在定州曲陽縣西北郡縣志在縣北一百四十

里常水所出職方并州山鎮曰恒山是為北嶽

大川 漳

職方冀州川 濁漳水出潞州長子縣發鳩山

東至相州鄴縣入清漳又清漳出太原府樂平縣少山東北流至德州長河縣漳入州平舒縣入于河周定王五年河徙而東故漳水不入河而自達于海

淇

出相州臨慮縣西大號山南逕朝歌縣北山海經沮洳之山瀑水出焉南流注于河郡縣志出衛州共城縣西北沮洳山至衛縣

古朝歌

入河謂

地理通釋

卷之五
二十一

汲古閣

之淇水口詩邶曰亦流于淇鄘曰送我淇上衛曰瞻彼淇輿

呼施

職方并州川虓池山海經出大戲之山在代州

繁峙縣

山在縣東南九十里

東南流經五臺山東流至文

安縣入海

何承矩築隄儲水爲阻固並邊諸河若漳洹胡蘆永濟等河皆匯于滹

遠夷控契丹奚靺鞨室韋

契丹與庫莫奚異種同類當遼西正北二百里

隨水草畜牧唐貞觀中內屬以爲松漠都督府
庫莫奚鮮卑宇文別種後強盛有阿會氏諸部
皆歸之至隋代號曰奚靺鞨隋文帝初來獻謂
印勿吉也古肅慎國地西北與契丹接室韋後
魏末通焉在靺鞨之北有五部南室韋在契丹
北三千里北室韋分九部唐所聞有九部焉

山南

東接荆楚

地理通釋

卷之五
二十二

汲古閣

詩有蠻荆荆楚春秋莊公之世書荆僖公元年
始書楚

西抵隴蜀

秦隴巴蜀

南控大江

詩江漢之域卽荆梁二州

北據商華之山

商山在商州上洛縣南十四里商洛縣南一里

亦各地肺山亦名楚山四皓所隱王莽傳謂繞
雷之固南當荆楚言四面塞阨屈曲水回繞而

雷卽七盤十二繞 華山 見前

名山 嶓冢

在興元府金牛縣 今大安軍 三泉縣 東二十里漢水所

出禹貢岷嶓既藝嶓冢導漾東流爲漢 一在秦 州清水

縣郡縣志在秦州上邦縣西南五十八里 漾水所出薛氏曰隴東之山皆嶓冢也 山海

經大時之山又西三百二十里曰嶓冢之山漢

地理通釋 卷之五 二十三 汲古閣

水出焉而東南流注于沔注嶓冢在武都氏道

縣南

熊耳

在商州上洛縣南四十里其山兩峰狀若熊耳

禹貢導洛自熊耳其山在虢州盧氏縣界 齊桓 公登

熊耳山以望江漢山海經浮 濠之水出焉西流注于洛

巫峽

在夔州巫山縣西楚置巫郡荊州記信陵縣西

二十里有巫峽

建平郡信陵縣今歸州巴東縣
通典晉置建平郡於巫山縣

銅梁

在合州石照縣

唐石鏡縣

南五里左思蜀都賦外負

銅梁

山之北址卽巴子故城

荆山

在襄陽府南漳縣禹貢南條荆山

山海經荆山漳水出焉而

東南流注于雒雒與沮同禹貢荆及
荆陽惟荆州卽此山下和得玉之處

峴山

地理通釋

卷之五
二十四

汲古閣

在襄陽府襄陽縣東南九里歐陽文忠公記曰

峴山臨漢上望之隱然蓋諸山之中者而其名

特著於荆州蓋羊祜以其仁杜預以其功

大川 巴水

巴江在達州永睦縣

巴江渠江合於
通川縣東南

漢水

職方荆州川禹貢漾漢爲東漢水出大安軍三

泉縣西蟠冢山至漢陽軍漢陽縣入江漢水一

名沔水酈道元謂東西兩川俱出嶓冢而同爲

漢水

詩漢之廣矣楚漢水以爲池

沔水源出武都末狼谷

中卽漢水之上源山海經嶓冢之山漢水出焉

東南流注于沔

沮水

在荆門軍當陽縣

漢臨沮故城在縣北

郡縣志出房州永

清縣

省入房陵

西南景山東南入于漢江一云出房

州房陵縣東山東南過江陵府枝江縣入于江

地理通釋

卷之五二十五

汲古閣

王粲登樓賦倚曲沮

千余切

之長洲顏師古曰左

傳江漢沮漳楚之望也山海經景山睢水出焉

東南流注于江

景山在南郡房陵西南二百里

清

出虢州盧氏縣南至鄧州順陽縣入于沔山海

經攻離之山清水出焉南流注于漢在清陽縣

南

漢南陽郡清陽縣在清水之陽故城在鄧州南陽縣南晉杜預修召信臣遺迹激用清水

浸原田萬餘頃

郡縣志東去鄧州南陽縣三里西去新

野縣二百步九域志金州洵陽縣有清水

隴右

東接秦州

漢隴西秦亭秦谷今秦州地

西逾流沙

流沙在沙州西八十里其沙隨風流行禹貢導

弱水餘波入于流沙

漢志張掖郡居延縣居延澤在東北古文以為流沙

在唐甘州張掖縣東北百六十里沈括云嘗過無定河活沙履之百步皆動如行幕上或陷則

地理通釋

卷之五
二十六

汲古閣

人馬車駝以百千數無孑遺者或謂此即流沙也

南連蜀及吐蕃

蜀始見于牧誓秦惠王伐蜀有其地

吐蕃

見

前

北界朔漠

唐置北庭安西都護府抵大漠

名山 秦嶺

在秦州上邽縣

省入成紀

九域志隴州隴安縣有秦

嶺山西都賦晞秦嶺晁氏以爲隴山秦嶺皆古

之呀

通典秦嶺在京兆藍田縣界又商州上洛縣西十八里有秦嶺山嶺北爲秦山南爲

漢山周六百二十里

隴坻

在秦州隴城縣

大隴山在縣東一百里

西京賦右有隴坻

之隘

丁禮切

漢武帝幸雍遂踰隴通典隴州汧源

縣隴山在縣西六十二里一曰隴坻

秦州隴城縣有大隴

亦曰隴首山清水縣小隴山一名隴坻又各分水嶺

地理通釋

卷之五二十七

汲古閣

西傾

在洮州臨潭縣

漢臨洮縣

西南後名西強山在吐谷

渾界水經西傾之南桓水出焉禹貢西傾因桓

是來

吐谷渾阿豺升西強山觀墊江源與地記西頃之北洮水所出北流入河

朱圉

在西和州大潭縣俗呼爲白巖山郡縣志在秦

州伏羌縣西南六十里

積石

在鄯州龍支縣西九十八里黃河在縣西南六十里禹貢導河始此漢段熲追羌出塞至積石

河自積石始西南流山海經積石山其下有石門河水冒之以西南流廓州積石

軍在州西南西臨大澗北枕黃河河州枹罕縣

積石山一名唐述山在縣西北七十里今人自龍支縣

山為大積石山此名小積石山

合黎

在甘州張掖縣西北二百里亦名羌谷俗名要

地理通釋

卷之五二十八

汲古閣

塗山

水經在酒泉會水縣東北

禹貢導弱水至于合黎

通典合黎

水弱水並在張掖縣

崆峒

在岷州溢樂縣西二十里唐地理志今西和州史記黃帝

西至空桐韋昭曰在隴右正義笄頭山一名崆

峒在原州平高縣五百里括地志在肅州福祿

縣東南六十里二處皆云黃帝登之未詳孰是漢武帝至隴西

登空桐

三危

在沙州燉煌縣南三十里山有三峰故曰三危

舜竄三苗禹貢三危既宅導黑水至于三危鄭

玄引河圖及地說云在鳥鼠西南

山海經廣員百里

鳥鼠同穴

在渭州渭源縣西七十六里

今熙州渭源堡

俗呼為青

雀山其同穴鳥如家雀色小青鼠如家鼠色小

黃渭水出焉禹貢導渭自鳥鼠同穴

同穴山各鳥鼠山者

地理通釋

卷之五二十九

汲古閣

同穴之枝山也孔氏曰鳥鼠共為雌雄同穴而處其說怪誕不經

河圖曰鳥鼠

同穴地之幹也上為掩畢星山海經注鳥名曰

鷄鼠名曰鷄鷄如人家鼠而短尾鷄似燕而黃

色穿地入數尺鼠在內鳥在外而共處

大川 洮水

出西羌中北至河州枹罕縣入河

弱水

出吐谷渾界窮石山自甘州刪丹縣西至合黎

山與張掖縣河合其水力不勝芥然可以皮船
渡通鑑魏太武擊柔然至粟水西行至菟園水
又循弱水西行至涿邪山則弱水在菟園水之
西涿邪山之東禹貢弱水既西

以水皆東流唯弱黑二水乃西

注耳

羌水

出塞外

水經出羌中參合

南至陰平

文州

入白水

河瀆

地理通釋

卷之五
三十

汲古閣

河源在西徼之外禹迹所及止於積石漢志河

水行塞外東北入塞內至章武入海

章武縣漢屬渤海今

入滄州清池縣

六典凡天下水泉三億三萬三千五百

五十有九其在遐荒絕域者不可得而知江河

自西極達東溟中國之大川也百三十有五水

是為中川千二百五十二水斯為小川

桑欽水經所引

天下之水百三十七江河在焉鄼善長注引枝流一千二百五十二曾氏曰河自西出而南又東折然後北注於海隄防之起自戰國而漢以來築作者輒復敗

休屠澤

在涼州姑臧縣東北

屠直閭切

漢志云禹貢豬野澤

史記都野

遠夷控西域胡戎

西域隋大業中來朝者四十餘國唐貞觀四年伊吾來降列其地為西伊州武后時王孝傑復四鎮自是諸國朝貢倖於前代胡戎党項羊同悉立泥婆羅之屬

地理通釋

卷之五三十一

汲古閣

淮南

東臨海

禹貢揚州東距海

西抵漢

沔安二州抵漢水

沔今漢陽軍安今德安府

南據江

漢志江東至江都入海

薛氏曰大江過湖口東行至通州海門縣入海

北距淮

禹貢揚州北據淮跨淮而過

名山 八公

一名肥陵山在壽州壽春縣北四里淝水之北

淮水之南今安豐軍符堅望見八公山上草木皆以

爲晉兵宋景文公覽郡圖得八公山故老言山上有車轍馬跡是淮南王上賓之遺耕

者往往得金云丹砂所化可以療病因作詆仙賦 上有淮南王安廟圖安及八士像

灑

在安慶府懷寧縣西北二十里通典一名天柱山灑音潛漢武

地理通釋

卷之五 三十二

汲古閣

帝嘗登

大別

在壽州霍山縣今安豐軍六安縣史記索隱云在安豐

縣薛氏曰大別山在漢陽軍亦曰甌山左傳楚

拒吳濟漢而陳自小別至于大別小別山在漢川縣東南五

十里禹貢導嶓冢至于荆山內方至于大別近漢之山

今漢陽軍漢陽縣東北一百步其山前枕蜀江北帶漢水 魯山一名大別

霍山

在霍山縣南五里開寶元年省爲鎮入六安漢

書注南嶽霍山在潛縣屬廬江一名天柱山武帝

所登爾雅南嶽

羅山

在申州羅山縣今信陽軍西南九里有石城山甚高

峻在鍾山縣西南二十一里冥阨蓋謂此山呂氏

春秋九塞之一

塗山

地理通釋

卷之五 三十三

汲古閣

在壽春縣東北濠州鍾離縣西九十五里禹會

諸侯周穆亦會柳宗元有銘下有縣廟山前有禹會村

大川 滁水

在滁州全椒縣南六十里原出廬州梁縣至瓜

步入大江

肥水

自安豐縣流入經壽春縣北又西入淮晉謝石

謝玄大破秦兵于肥水齊垣崇祖於壽陽城西

北堰肥水

巢湖

在廬州合肥縣東南六十四里亦名焦湖

江南

東臨海

謂蘇杭台溫明等州吳舟師自海入齊

西抵蜀

謂施黔等州

地理通釋

卷之五
三十四

汲古閣

南極嶺

五嶺在虔郴永道州

北帶江

謂洪江鄂等州

名山 茅山

在建康府句容縣東南六十里鎮江府金壇縣

西南三十五里唐置茅州一名句曲山言山形

如句字之曲三茅得道之所

蔣山

在建康府上元縣西北十八里唐置蔣州

蔣子文立

廟鍾山封為蔣侯因改為蔣山江表上已常遊於此為衆山之傑

天目

在臨安府於潛縣北六十里有兩峰峰頂各一

池左右相對名曰天目

郭璞云天目山前兩乳長龍飛鳳舞到錢唐

會稽

職方揚州山鎮在紹興府會稽縣東南二十里

地理通釋

卷之五 三十五

汲古閣

有禹穴禹於此會諸侯之計因名秦始皇上會

稽祭大禹立石頌德太史公上會稽探禹穴越

絕書勾踐小城山陰是也

呂氏春秋九山之一水經注會稽山東

有穴深不見底謂之禹井

四明

唐志在越州餘姚縣西一百五十里明州以境

有四明山為名在州西八十里山海經句餘之

山注今在餘姚南句章北二縣為名謝靈運

山居賦注天台四明相接連四明方石四面自

然開窻

九域志鄞有四明山慈溪有句餘山

天台

在台州天台縣北十里一曰桐柏山高萬八千

丈周旋八百里其山八重四面如一赤城山在

縣北六里天台之南門也名山略記曰葛仙公

山也孫綽有賦

唐司馬子微廬天台隋徐則入天台山

括蒼

地理通釋

卷之五 二十六

汲古閣

在處州麗水縣本括州隋置括蒼縣唐改

輿地廣記

台州臨海縣有括蒼山寰宇記今蒼嶺

縉雲

在處州縉雲縣一名仙都

本括蒼縣地舊傳黃帝遊仙之處有孤

石特起高二百丈峰數十或如羊角或如蓮花隋徐則杖策入縉雲山

金華

在婺州金華縣北二十里赤松子得道處神仙

傳皇初平至金華居石室中

華洞在縣北三十里

大庾

在南安軍大庾縣西南二十里一名塞上嶺卽

五嶺之一五嶺之最東者亦曰東嶠漢時呂嘉反漢軍伐之

監軍姓庾城於此故謂之大庾嶺唐志在虔州

南康縣今南安軍高駢繇大庾擊賊廣州

武夷

在建寧府崇安縣南三十里漢郊祀志有武夷

君通典在建安縣唐志在建陽縣時未有崇安縣朱文公武夷圖序峰

地理通釋

卷之五 三十七

汲古閣

巒巖壑秀拔奇偉清溪九曲流出其間文公築精舍于

五曲大隱屏之下

廬山

在江州潯陽縣今德化東三十二里南康軍城北

十五里本名鄱山郡縣志匡俗字子孝廬于此山

漢武帝拜爲大明公俗號廬君故名山周環五

百餘里太史公南登廬山觀禹疏九江廬山東

白鹿洞唐李渤之隱居南唐荆書院

衡嶽

職方荊州山鎮在潭州衡山縣西三十里衡州

衡陽縣北七十里有五峰曰紫蓋天柱芙蓉石

廩祝融湘中記曰衡山有玉牒禹案其文以治

水遙望衡山如陣雲郭璞曰山別名岫嶺韓文

公詩岫嶺山尖神禹碑南嶽記曰朱陵之靈臺

宿當翼軫度應機衡故為名禹導水通瀆刻石

書名山之高南嶽文云高四千一十丈

岫嶺者衡山南

地理通釋

卷之五 三十八

汲古閣

麓別峰之名通典衡山在衡州湘潭縣衡嶽廟在衡山縣西三十里

大川 浙江

在臨安府錢塘縣南十二里越州蕭山縣西二

十五里莊子云泚河蓋取其曲折為名地理志

水經曰漸江 郡縣志江源自歙州界東北流經界石山又東北經州北又東北流

入于海江濤每日晝夜再上常以月十日二十

五日最小月三日十八日極大小則水漸漲不

過數尺大則濤湧高至數丈每年八月十八日
數百里士女共觀舟人漁于沂濤觸浪謂之弄
濤
秦始皇至錢唐臨浙江吳越春秋越王至浙

江之上望見大越山川重秀天地再清

前潮水伍子胥

也後重水大夫種也燕肅海潮圖論曰浙江夾岸有山

南曰

龕北曰楸

二山相對謂之海門岸狹勢逼涌而為濤

高麗圖經云潮汐往來應期不爽為天地之至

信古人嘗論之在山海經以為海鱗出入之度

浮屠書以為神龍之變化寶叔蒙海濤志以為

水隨月之盈虧盧肇海潮賦以謂日出于海衝

擊而成王充論衡以為水者地之血脉隨氣進

地理通釋

卷之五三十九

汲古閣

退率未之盡

大抵天包水水承地而一元之氣升降於太空之中地乘水力以自

持且與元氣升降互為抑揚而人不覺方其氣升而地沉則海水溢上而為潮及其氣降而地浮則海水縮而為汐計日十二辰由子至巳其氣為陽而陽之氣又自有升降以運乎晝由午至亥其氣為陰而陰之氣又自有升降以運乎夜一晝一夜合陰陽之氣凡再升再降故一日之間潮汐皆再焉然晝夜之攻擊乘日升降如應乎月日臨於子則陽氣始升月臨於午則陰氣始升故也夕潮之期日皆臨子晝潮之期月皆臨午焉又日行遲月行速以速應遲每二十九度過半而月行及之日月之會謂之合朔故月朔之夜潮日亦臨子月朔之晝潮日亦臨午焉且晝即天上而言之天體西轉日月東行自朔而往月速漸東至於漸遲而潮亦應之以遲

於晝故晝潮自朔後迭差而入於夜此所以一日午時二日午末三日未時四日未末五日申時六日申末七日酉時八日酉末也至夜卽海下而言之天體東轉日月西行自朔而往月速漸西至於漸遲而潮亦應之以遲於夜故夜潮自朔後迭復而入於晝此所以一日子時二日子末三日丑時四日丑末五日寅時六日寅末七日卯時八日卯末也以時有交變氣有盛衰而潮之所至亦因之爲大小

湘水

出全州清湘縣陽朔山東入洞庭北至衡州衡

陽縣入江太史公浮沅湘

山海經湘水出舜葬東南阪西環之入洞

地理通釋

卷之五
四十四

汲古閣

庭下

贛水

山海經出聶都東山東北注江入彭澤西

注云出南

野縣西北南野今南安軍大庾縣聶都山在縣西南

漢地理志贛縣豫章

水出西南北大江通典虔州贛縣有章水貢

水合流故曰贛

虔州今改爲贛東江發源於汀州新樂山經雩都會于章水西

江導源於大庾縣之聶都山與貢水合

沅水

在常德府武陵縣漢臨沅縣地至長沙入洞庭
湖又入龍陽縣界歷凡洲洲長二十里卽李衡
種柏所地理志水經出牂柯且蘭縣今遵義軍
播州地
山海經出象郡鐔城西入東注江入下雋西合
洞庭中楚辭沅有芷兮澧有蘭濟沅湘以南征
澧水

在澧州澧陽縣出慈利縣歷山東至辰州沅陵
縣入沅注于洞庭水經云出武陵充縣西至長

地理通釋

卷之五
四十一

汲古閣

沙下雋縣西北入江禹貢又東至于澧楚辭澧
浦薛氏曰出澧州石門縣東合石門縣之涔水
至安鄉縣入洞庭湖

洞庭

在岳州巴陵縣西南一里五十步

周迴二百
六十里

青

草湖相連青草在南洞庭在北

巴丘湖又名青
草湖在縣南七

十九里周迴二
百六十五里

洞庭太湖也廣圓五百餘里日

月若出沒於其中中有君山在縣西三十里青

草湖中莊子黃帝張咸池之樂於洞庭之野楚

辭遭吾道兮洞庭

資水沅水澧水湘水同注洞庭北會大江各五渚戰國策

秦與荆戰大破之取洞庭五渚謂此也薛氏曰洞庭即巴丘也合沅湘諸水至岳州巴陵縣入江

彭蠡

在江州潯陽縣

今德化縣

括地志在縣東南五十里

大典注一名宮亭湖

俗謂之鄱陽湖

在南康軍星子縣

南江州彭澤縣西地理志在豫章郡彭澤縣西

地理通釋

卷之五
四十二

汲古閣

郡縣志在都昌縣

今屬南康軍

西六十里與潯陽縣

分湖為界禹貢揚州彭蠡既豬

即江漢所匯之澤合江西江東

諸水跨豫章饒州南康軍三州之地

吳起曰三苗左洞庭右彭蠡

宋武帝破盧循於左里即彭蠡湖口左里故城在都昌縣西南九十五里彭澤故縣城在都昌

縣北四十五里晉陶潛為令治此城

太湖

職方揚州其浸五湖國語注太湖

五湖

在吳西南

唐志湖州烏程縣有太湖占湖宣常蘇四州境

通典湖州東有太湖一名震澤

在吳縣西南五十里太史公上

姑蘇望五湖太湖周五百里故曰五湖有苞山亦曰夫椒山俗謂之洞庭

山海經浮

玉之山北望具區注太湖也李氏曰五湖彭蠡

洞庭巢湖太湖鑑湖

薛氏曰震澤今太湖在平江吳縣

遠夷控五溪之蠻

通典黔州楚黔中謂之五溪謂酉辰巫武陵等

古老相傳云楚子滅巴巴子兄弟五人流入黔

中各為一溪之長一說云五溪蠻皆槃瓠子孫

地理通釋

卷之五 四十三

汲古閣

非巴子也水經注武陵五溪雄楠酉蕪辰周武

帝時蠻帥以其地歸附遂置黔州

其在黔中五溪長沙間為

盤瓠之後其在峽中巴梁間為廩君之後

劔南

東連牂柯

通典牂柯渠帥姓謝氏舊臣中國正觀中脩貢

列其地為牂州

思州當牂柯之衝要

西界吐蕃

見前

南接群蠻

群蠻南詔北抵益州又有烏蠻白水蠻昆明蠻

充州蠻六姓蠻之屬

漢州雒縣西北有白馬羌南平蠻北與涪州接獠蓋

蠻之別種漢中邛笮川谷之間所在皆有

北通劔閣

劔閣在劔州劔門縣張載作銘有梁山亦曰大

劔山在縣西南二十四里

今隆慶府郡縣志大劔山亦曰梁山在劔

州普安縣北四十九里通典利州益昌縣古劔閣道秦使司馬錯伐蜀所由謂之石牛道郡縣

地理通釋

卷之五 四十四

汲古閣

志自益昌縣界西南十里至劔州普安縣大劔鎮

名山 峨眉

峨眉大山在嘉州峨眉縣西七里

漢犍為郡隋眉山郡今嘉

定府兩山相對望之如峨眉中峨眉在縣東南二

十里西魏至眉州在峨眉之陰

因山為名

蜀都賦抗

峨眉之重阻

大峨山在峨眉縣南百里中峨山在南二十里小峨山在南三十里

是為三峨

青城

在永康軍青城縣北三十二里

岷山第一峰也

仙經云

此是第五洞天上有流泉縣澍一日三時灑落

謂之潮泉

鶴鳴

在蜀州晉原縣西七十九里

今崇慶府

絕壁千尋後

漢張陵學道鶴鳴山中

一云在縣西八十里益州記張道陵登仙之所

嘗有白鶴遊其上

岷山

地理通釋

卷之五 四十五

波古閣

在茂州汶山縣俗謂之鐵豹嶺禹導江始於此

河圖括地象曰岷山之地上為井絡帝以會昌神以建福禹貢岷山導江東別為沱沱水在彭

州唐昌縣太史公西瞻蜀之岷山郡縣志岷山在岷

州溢樂縣南一里

大川 涪水

出剛氏道徼外經綿州巴西縣至合州入漢

雒水

出漢州雒縣章山南至新都谷入湔蜀都賦浸

以縣雒

西漢水

出秦州清水縣

通典上邦縣今省入清水

嶓冢山南入廣漢

白水東南至重慶府江津縣入江

禹貢廣記此嘉陵江水辭

氏曰西漢出清水之嶓

冢與嘉陵合流入蜀

江瀆

江源在松州交川縣西北江源鎮至茂州岷山

自岷山東流別而為沱

至通州海門縣入海

山海經岷山

地理通釋

卷之五四十六

汲古閣

江水出焉東北流注于海岷山岨山江水出焉

東流注于大江

遠夷控西河群蠻

唐志劔南諸蠻州九十二無城邑椎髻皮服通

典松外諸蠻貞觀末遣兵從西洱河討之其西

洱河從雋州西千五百里其地有數十部落

嶺南

東南際海

秦置南海尉所謂東南一尉也通典禹貢物產貢賦職方山藪

川浸皆不及五嶺之外則嶺南之地非九州之境

西極群蠻

漢交趾九真日南合浦皆有蠻唐嶺南諸蠻州

九十二隸桂邕州安南府蜀爨蠻州十八隸峰

州

北據五嶺

秦南守五嶺塞上嶺一也今南安軍大庾嶺騎田嶺二

地理通釋

卷之五 四十七

汲古閣

也今郴州臘嶺都龐嶺三也今道州永明嶺牯渚嶺四也今道

州白芒嶺越城嶺五也今靜江府北永州南臨源嶺

名山 黃嶺

在廣州東莞縣

靈洲山

在廣州南海縣鬱水中南越志肅連山西十二里有靈洲焉其山平原

望彌

大川 桂水

連州桂陽縣在桂水之陽又靜江府臨桂縣有
灘水一名桂江經縣東去縣十步九域志韶州
曲江縣有桂水

鬱水

在南海縣漢志鬱林郡廣鬱縣鬱水首受夜郎

豚水東至四會縣入海

四會屬廣州

山海經出象郡

而西南注南海入須陵東南

遠夷控百越林邑扶南

坐通釋

卷之五
四十八

汲古閣

通典自嶺以南是百越之地自交趾至會稽七
八千里百越雜處各有種姓古謂之雕題林邑
漢桓靈後蠻獠據象郡象林縣遂爲林邑國晉
灌遠討之宋杜慧度宗愨隋劉方破之唐曰環
王今占城扶南在日南郡之南海西大島中在林
邑西南文身被髮晉隋遣使貢獻唐亦來貢

